

UMBODSMAÐUR ALÞINGIS

Pórshamri, Templarasundi 5, 150 Reykjavík
Sími: 510 6700 • Grænt nr: 800 6450 • Mynds: 510 6701
Heimasíða: www.umbodsmadur.is

LJÓSRIT

Mál nr. 8235/2014.

Reykjavík, 24. nóvember 2014.

Fangelsismálastofnun ríkisins
Borgartúni 7
105 Reykjavík.

Við athuganir minar á kvörtunum og erindum sem mér hafa borist á síðustu misserum og varða málefni fanga hef ég veitt því athygli að í ýmsum þessara mála hefur liðið allnokkur tími frá því að viðkomandi erindi hefur verið sent til fangelsismálastofnunar og þar til því hefur verið svarað. Á fundi sem ég átti nýverið með Guðmundi Inga Þóroddssyni, formanni Afstöðu, félags fanga á Íslandi, komu fram athugasemdir um að féluginu og föngum þætti ganga treglega að fá svör við erindum sem varða málefni fanga frá stjórnvöldum.

Í framhaldi af fundi okkar Guðmundar sendi hann mér upplýsingar um tiltekin erindi sem hann hefur sent fangelsismálastofnun og innanríkisráðuneytinu.

Ég hef af þessu tilefni ákveðið að óska eftir, sbr. 7. gr. og 9. gr. laga nr. 85/1997, um umboðsmann Alþingis, að fangelsismálastofnun láti mér í té upplýsingar um hvað liði svörum við neðangreindum erindum og eins og ég kem nánar að hér síðar hvort stofnunin hafi mótað sér einhverjar almennar viðmiðanir um afgreiðslu á erindum eða í málum þar sem teknar eru ákvarðnir í málum vegna fanga.

Þau mál þar sem óskað er eftir upplýsingum um hvað liði svörum við erindum eru eftirfarandi:


- Erindi frá 21. maí sl.
- Erindi, dags. 3. júní sl. Í erindinu óskar Afstaða eftir því að fá álit stofnunarinnar á tilgreindum atriðum, þ.e. hugmynd fanganna um að sprautum og náum sé dreift frítt af heilbrigðisstarfsfólki fangelsanna til eiturlýfjaneytenda í fangelsunum og um greiðan aðgang fanga að smokkum.
- Erindi sent 10. júní sl. Það hafi verið ítrekað 28. ágúst sl.
- Erindi sent 18. júní sl.

- Erindi frá 21. ágúst sl.

Eins og ég tók fram hér að framan óska ég jafnframt eftir því að fangelsismálastofnun veiti mér upplýsingar um hvort og þá hvaða viðmið hún hefur sett um afgreiðslutíma á stjórnsýslumálum fanga eða erindum sem varða málefni fanga frá þeim eða aðstandendum þeirra. Í þessu sambandi hef ég í huga að þarna eiga í hlut frelsisskiptir einstaklingar og það kann að hafa veruleg áhrif á hagsmuni þeirra að sem fyrst sé svarað til um og eftir atvikum skorið úr um hver séu réttindi þeirra í samskiptum við fangelsisyfirvöld. Þá verður almennt að gera ráð fyrir að fangar hafi alla jafna ekki sömu tök á að standa að málarekstri hjá stjórnvöldum og fylgja málum sinum eftir og aðrir borgarar.

Þess er óskað að umbeðnar upplýsingar berist mér eigi síðar en 15. desember sl.

Virðingarfyllst,



Tryggvi Gunnarsson.